



方城遺獻卷四

長山後學李成經維三編次

林原縉

字居恆一字彥恭泉溪人詩酒優游不樂仕進永樂二年正月與同里邱慎餘何東閣等九人會於里之花山脩白香山故事稱花山九老有唱和詩王聽竹為序今梅花菴其故址也

遊花山分得日字

端。居。離。垢。氛。頗。覺。飛。興。逸。笑。逐。香。山。老。來。扣。維。摩。
室。杖。策。徐。徐。行。蘿。逕。深。深。入。草。綠。軟。鋪。茵。花。紅。半。
酣。日。林。深。衆。鳥。鬪。松。老。千。虬。立。山。僧。延。我。坐。烹。葵。
事。筵。席。世。慮。澹。相。忘。塵。凡。詎。能。逼。永。結。道。遙。遊。何。

方城遺屬 卷四 妨效真率

邱 鐔 字叔惠號蓬屋以孝行聞與弟慎餘同入花山社

集花山分得風字

星星華髮九山翁。行樂尋幽到梵宮。輕蓋高張衝曉雨。短筇徐策步溪風。臨流飲酌慚先醉。鬪韻成詩惜未工。洛社青山遺事遠。雅懷聊企昔人同。

邱海 字朝宗教授孫著有慎餘稿九老之一

赤壁磯阻雨

寒雨晚來急。長江生暮愁。亂雲逃別浦。駭浪蹴孤舟。薄命常為客。羈懷不耐秋。天涯思無限。浩渺付

滄洲

和文益先生韻

故人雙眼碧。賤子二毛侵。每恨囚山賦。重為梁父吟。艱難京國念。迢遞故鄉心。逆旅如空谷。何曾有足音。

何及

字德韶號雙槐與姪東閣並與花山會時有大小阮之稱

打粟歌

秋晚山間人。打粟夜夜碎。礮響茅屋有。如萬馬入戰場。甲士啣枚進。馳逐又如九軌躍。天衢轆轤鄰。鄰車夾軸。驀然長風捲。怒濤觸石崩。崖震空谷松

燈耀月明松烟結雲綠。須臾脫出黃金穉。忽覩珠
 璣盈斗斛。妻孥含笑喜相看。今歲無憂缺餽粥。稽
 首謝蒼穹。更熟來年穀。始得從前解舊逋。免使豪
 家苦煎促。商皓采芝歌。清高不諧俗。越女採蓮歌。
 嬌艷多情慾。聽我高歌打粟歌。便是人間太平曲。
 王崧字谷禮號聽竹明初豐城令瑜之後九老中年最少

宮詞

禁門深鎖五雲中。歌吹隨風度遠空。只有多情楊
 柳月。夜深還照未央宮。

輕籠蟬翼鞦韆金。欽卻立長門柳月斜。遲遣瓊籤報

高閣夢魂猶得見官家

何永愚字起直號東閣復菴從孫自少以文學知名許介石甚敬之

夜宿漁家

青山前頭小茅屋。短短疎籬護脩竹。江空日落不
 見人。行人尋傍漁家宿。老翁見客詞禮疎。白頭倒
 裹單紗烏。自云鄉邨絕沽酒。香羹暮煮松江鱸。海
 月流光照衣溼。請君穩睡南邊室。細將蒿蓼塞窗
 櫺。莫遣腥風夜吹入。明朝洗淨小魚船。送君直到
 長沙邊。

節婦吟

皎莫比明月。妾心恨月。經圓缺。堅莫比黃金。妾心恨金。入冶從人心。妾心自比雙鳳。鍼一折。永不復。繡鴛鴦。衾脂粉。非容珠翠。非飾有麻。可緝有絲。可織。苦雨淒風。是顏色。妾家青山環翠微。石壁雨過。苔成衣。濃鬢歛雲寶釵。脫娟娟。修竹寒相依。深愁滿面。姑莫疑。半生心事。梅花知。

偶成

五橋風月雙橋水。兩岸樓臺十字街。最是夜深難及處。家家燈火入書齋。
邑志此詩為元明天東作。按先生讀書吟云。五橋流水雙溪。迴六街花柳開樓臺。山水盤桓意不盡。其間往往生賢才。描繪泉溪風景。即此詩之意。可以

互證故從何氏譜定為先生詩

程完 字德充號成趣居小泉邨學行高古門下多聞人九老中惟翁子實詩失傳

次韻彭道人山居

好山長繞羽人家。白日如年髮未華。半掩柴扉無吠犬。新栽楊柳已藏鴉。雲間覓路春收藥。澗底分泉夜煮茶。要識陰功多與少。只看紅杏滿林花。塵土何曾到竹房。仙家無事日偏長。看花曳杖春風暖。點易研朱曉露涼。地底甘泉通橘井。甕頭新酒注糟牀。他年有約相尋處。芝草琅玕滿徑香。

狄景常 字公憲號獨松九老之一

花山社題

祥昇東旭景融融。運啟洪鈞見化工。江郭晴驕明
綠漲山城雪霽長。芳叢魚龍奮激三千浪。鵬鶚扶
搖九萬風。安得此身生羽翮。早從聖代祝華封。

陳伯英 字子實號止菴岩下人宋承奉郎鑰
之後永樂初以人才辟授諸城知縣

初至諸城

千里馳驅遠。征驂暫駐程。亂絲難復理。美錦詎能
成。野外蒿萊滿。城頭笳鼓鳴。寥寥渾不寐。堂燭夜
深明。

董 暹 字元靜南塘人永樂初召
試平所賦授樂安知縣

寄友

幾年官廨事紛如。今日離羣歎索居。賈誼不須流
涕淚。淵明還是樂琴書。一庭草色吟春暮。兩屐苔
痕步雨餘。客至但能真率具。不嫌門外故人車。

葉永傳 字士克莞田人永樂間由
太學生授訓導有石雲稿

梨花白頭公圖為許教諭題

丁生風流愛花卉。嘗畫折枝棲翠羽。試看蠻舌調
東風。短翎微濕梨花雨。燕在杏梢鶯在柳。同在春
光忘白首。誰知紇干山上雀。雪壓梅花寒自守。

梅花月下美人圖

花山社題

祥昇東旭景融融。運啟洪鈞見化工。江郭晴驕明
綠漲山城雪霽長。芳叢魚龍奮激三千浪。鵬鶚扶
搖九萬風。安得此身生羽翮。早從聖代祝華封。
陳伯英字子實號止菴岩下人宋承奉郎鑰
之後永樂初以人才辟授諸城知縣
初至諸城

千里馳驅遠征驂。暫駐程。亂絲難復理。美錦詎能
成。野外蒿萊滿城頭。笳鼓鳴。寥寥渾不寐。堂燭夜
深明。

董

退字元靜南塘人永樂初召
試平所賦授樂安知縣

寄友

幾年官廨事紛如。今日離羣歎索居。賈誼不須流
涕淚。淵明還是樂琴書。一庭草色吟春暮。兩屐苔
痕步雨餘。客至但能真率具。不嫌門外故人車。

葉永傳

字士克莞田人永樂間由
太學生授訓導有石雲稿

梨花白頭公圖為許教諭題

丁生風流愛花卉。嘗畫折枝棲翠羽。試看蠻舌調
東風。短翎微濕梨花雨。燕在杏梢鶯在柳。同在春
光忘白首。誰知紇干山上雀。雪壓梅花寒自守。

梅花月下美人圖

良人遠別未還家。照水紅顏只自誇。知己但憑天上月。一生心事付梅花。

葉永係 石雲弟延平府學司訓平之父

送鄭宏範春試

幾年相聚念同門。把袂江頭未忍分。學就三遷由母教。名成一舉報君恩。山城明月還家夢。野館青燈逆旅樽。萬里京華重戰藝。預將消息寄鄉園。

李存仁

字新民號慕韶長嶺人永樂九年舉賢良授沛縣尹再任新喻令江西名宦志稱其廉幹有機局判決如流

與蔣道士

太平觀裏許仙宅。千載香爐火未寒。雲氣滿身雙佩劍。霞光透頂九還丹。真人何處覓靈訣。弟子幾人。生羽翰。為問絡元騎鶴者。坐看周易閉松關。

林儒奴

字從聖號樵山泉溪人西隱之後遂於經學從遊者衆

扇面小景

短簑圓笠雪盈頭。蘆荻花邊夜泊舟。一尾鱸魚一樽酒。半江明月半江秋。

李茂端

字用莊藥所子學問優洽鄭御史貴謨林考功璧並出其門學者稱良齋先生後復姓林

病起述懷呈潛齋叔

時父奔祖知縣公樞將至

疾病微痊力未支。勞勞時覺寸心違。江山信使幾時到。淮楚秋風白髮歸。松菊有緣同晚歲。芰荷無意向秋衣。皇天自古存忠孝。都在蒼茫泪一揮。

題李白騎鯨圖

潯陽逆氣擁狂獐。何不騎鯨上玉京。采石江深魚腹冷。千年那得醉魂醒。

謝乾

字性端。方石侍郎之祖。與鄉名士陸脩正。鮑原宏。湯朝宗。為文字友。陸貧甚。置塾禮之。終其身。

鄭宏範赴春官試詩以贈行

三載芹宮志氣豪。鵬程萬里不辭勞。月明剡水蘭

舟穩。春滿金臺鳳闕高。胄館賢良俱董賈。朝廷事業望夔臯。山中有客攻書史。目極雲霄念羽毛。

林孟通

字達民。號松谷。居恒子。

聞雞

鄰雞聲喔喔。三唱始經晨。浙水家千里。燕山月半輪。風霜秋景暮。邨舍曉寒新。以後休煩叫。孤幃有夢人。

和男庭穆奉寄

十年悲遠謫。頭白未能歸。詩酒情還在。琴書事不違。痛亡如逝水。憂老若斜暉。幾度秋風裏。鄉心逐

鴈飛

印

慶

字用夫慎
餘子明經

送友會試

同作秋闈客。簪花讓子先。功名原有命。機會信無緣。尊酒憐分袂。雲遙快著鞭。他年歸故里。看取錦袍鮮。

寄弟用堅

蕭蕭行李赴神京。遠送曾勞過赤城。慷慨肯為兒女態。躊躇難為弟兄情。江湖渺渺孤帆影。京國迢迢萬里程。寥落天邊無好思。尺書空想鴈南征。

林銘可

字仍達號石盤珠邨人生元末
永樂初本府司訓有晚翠稿

寄友陳大亨

白鷗飛盡水茫茫。我思故人星嶼傍。經年不來斷消息。乘興欲往無舟航。淡烟綠樹春將老。小雨疎花日正長。何日與君重會面。一尊聊復共徜徉。

借韻寄陳伯深

扁舟憶訪元龍宅。人到雙峯正夕陽。江月欲來羣水碧。海雲收盡亂山蒼。石牀細簟經秋淨。茅屋深簾徹夜涼。別後有懷空悵望。寒鴻寂寞楚天長。

葉

黼

字士冕號拙訥溫嶺人本初之後天性
孝友學有本原其教人必先行而後文

子原徽原紀
能世其業

中秋月蝕次韻答應溪南

徒把臣同古太阿青冥無路護孀娥。忍令怪物來
吞噬。愁對清光漸滅磨。玉斧難修今夜缺。褐衣空
憶舊時窠。一年好景成孤負。奈此西風桂子何。

借韻寄郭溪南

會期滄海探明珠。客底深懷會面疎。倚遍石欄花
落後。眠欹山枕酒醒初。化龍未合雙神劍。烹鯉空
懷尺素書。回首東風春又晚。囊書何日返幽居。

李茂宏

字用受號存省藥所子後復姓林永樂
乙未進士以考功員外郎致仕居官清

介志不
苟合

延平舟中端陽述懷

湖海長為客。生涯任轉蓬。又經端午節。應笑石榴
紅。雲樹重重密。溪流曲曲通。最憐沙上鳥。栖止自
從容。

遊泉南清源洞

仙人跨鶴去不返。古洞寥落遺空山。瑤草叢叢曉
烟淡。碧桃寂寂春風寒。徒聞金丹換毛骨。不見白
日生羽翰。蓬萊三島渺何許。令人矯首空長歎。

題墨竹

篆籀法已絕。岐陽刻尚存。西風動蕭瑟。老氣逼秋雲。

鄭貴謨 字宏範號介軒西清子永樂乙未進士仕監察御史以言事謫官

元夕賜觀燈 四首之一

祥雲影裏月初圓。萬燭光中夜色妍。綵仗下時香靄合。御筵開處翠雲連。神人獻頌來天上。臣子承恩近日邊。宴罷歸來清漏永。玉爐烟惹錦袍鮮。

聞砧

無限鄉情起。誰敲月下砧。風聲鳴戶牖。霜氣襲衣衾。家難就。還家夢。徒勞戀闕心。慈親竟誰侍。涕泗落

青衿

題畫

扁舟綠陰下。飽挹湖山趣。晴波湛明月。澹然忘世慮。

金文鉞 字如璘號樸齋水洋人從葉拙訥遊有茸茸草

斗齋贈王山人

布衣可禦寒。何須衣裘帛。麤糲可療飢。何須方丈食。斗齋足栖遲。何須五畝宅。君不見南陽臥龍臥草廬。胸中自有三方八陣之籌策。又不見秦皇阿房容萬夫。咸陽一火旋滅迹。丈夫自重四方志。短

窄何曾掛胸臆

金文鉞

字如珣號野趣樸齋從弟詩見赤城集

輓道士

一心悟道已成灰。自去元都竟不回。竈裏丹砂無火在。門前琪樹有花開。天寒鶴影沉雲遠。夜靜猿聲帶月哀。想爾仙家多福地。別遊蓬島未歸來。

月月紅

一架風光邁品流。堯階蕝莢庶堪儔。百千條縮春長在。十二番開歲已周。著雨每多腥血墜。分鄰時有麝香浮。隋家西苑無從得。翦綵枝頭作勝遊。

林芊

字從嘉號存心盤所從子永樂丁酉舉人仕終南安知府明一統志稱其練達政務判決如流公暇從容詞翰卒於官民哀慕之

江亭獨坐有感

數間茆屋住江干。風捲波濤蜃氣寒。外郡有人詢出處。故園無鴈報平安。舟航南北羣浮蟻。日月東西兩跳丸。媿我疎慵頭漸白。誰將赤手障狂瀾。

遊金山寺

仙山翠嶽起中流。形勢爭誇萬古秋。面面樓臺相掩映。朝朝日月遞沉浮。松間白鶴聽禪語。巖畔青猿笑客遊。半點紅塵無著處。置身何必問滄洲。

余敏字尚古號臥雲溫嶺人應志和同門友

畫鴈

洞庭風急影橫斜。帶得秋聲落淺沙。蘆葦蕭蕭眠不穩。水雲鄉裏啄苔花。

鷹犬捕兔圖

東門鷹犬頗相嗔。淺草平原暫著身。直入廣寒宮裏去。回頭笑殺守株人。

李茂熹考功存省弟

友人會試

掇科歸幾日。又復賦驪駒。桂籍期天上。鵬程奮海

隅。高名之子得。大比我兄俱。驛路春風滿。看花到

帝都。

陳士族字洪派號甕山鏡畧人

別館東

館穀資君兩歲殘。情深添得別離難。清砧枕畔敲

霜急。畫角城頭咽。月寒竹葉豈能消。我恨柳條無

力繫歸鞍。此行消息憑誰寄。馬上梅花仔細看。

徐潭字升甫號北野團浦人居後峯與沈巢雲江敦義陳聽泉結束甌詩社有漫興待芟二稿

錦江山山水圖

峨嶺山水天下雄。太白鳥道橫劍鋒。春風浪蹙蜀江錦。五色絢爛朝霞同。成都自古興王地。前有蠶叢後劉備。公孫勲業雄一時。馬卿才名冠當世。青城雲氣高嵯峨。萬里橋邊鳴棹過。東坡先生讀書處。荒臺烟雨連薜蘿。靈關玉壘高相峙。翠華曾駐唐天子。怨魄啼開三月花。飛落南園作紅雨。君平簾下春草萋。子雲亭外江猿啼。武侯祠堂渺何許。雲邊古栢青相齊。豪傑興亡感疇昔。山川不改古今色。曉窗岸幘寫新圖。筆底狂瀾湧晴碧。

沈字永宜號巢雲公桓從子

秋夜吟

銀漢低橫漏初轉。玉宇泐泐月如練。十二高樓涼思多。桂花和露吹人面。芙蓉斗帳雲母屏。篆爐香裊風淒清。懷人吟斷不成寐。誰家笛送長短聲。

林純字居粹永樂甲午舉人任江西湖口訓導卒於官諸生立祠祀之以子鶚貴贈

刑部侍郎

送同年鄭介軒赴春闈

浙水歸來未半年。促裝又買越州船。看花上苑慚予殿。射策金門讓子先。學術固知原憲苦。經綸漫說賈生賢。要知別後重相見。準擬承恩到日邊。

李圭

字存翼號復齋長嶼人宣德丁未進士官至僉都御史風節矯矯按劾不避權貴屢建軍功以老致仕族祖有名存清號九思者學博而邃天台杜侍郎薦為保雄司訓不就都憲學所自出也詩集失傳惟傳有綠水源頭田數畝白雲深處屋三間之句可想見高致附載於此

登丹崖

捉塵上丹臺。凌風亦快哉。長藤何偃蹇。片石自崔嵬。未得青蓮句。先傳紫氣開。不知人世上。何處是蓬萊。

題畫鷹

此公按江右私訪題於民間者
天遣孤鷹下海西。水肌玉爪未沾泥。朝遊已破羣

狐膽。夜宿還驚百鳥啼。身展羽毛嫌地窄。氣冲生斗恨天低。平生志在青霄上。肯與凡禽一類棲。

抵鄉

此身報國任驅馳。老病榮歸荷聖慈。薊北天寒冰作柱。越南風暖柳垂絲。儒冠儒服豈新樣。某水某山仍舊時。一笑相逢渾似夢。粟薪瓜苦動離思。

飛鳴宿食四鴈圖

一舉冲霄去。數聲天下聞。夢回江浦月。啄盡洞庭雲。

題小景

方城遺稿 卷四 古

近樹遠樹一色。前山後山數重。版築人家隱約。小橋流水西東。

李庸 字崇思號豫軒都憲族潛江縣丞修花封隄民甚賴之有鳴蛙集

寄輓鮑鼎軒

哲人一夢赴南柯。萬里音聞可奈何。三徑落花無醉客。半樓殘月有啼鳥。此情在眼飛塵滿。交誼關心灑淚多。欲奠英魂何處是。迂江江上雨聲過。

林昂 字居賚號自怡南安太守姪宣德己酉舉人海州學正

客中九日

天涯今日又重陽。獨上高城望故鄉。親舍不知何。

處是亂山如劍割。人腸

黃彥俊 字昌瑜號慎齋正統丙辰進士職方司主事世居洞山

和趙繡衣宿巴松韻

繡衣驄馬客。共我寓巴松。對酒眠孤館。同心戀九重。秋風荒徑葉。暮雨遠郵春。明發過前驛。浮雲無定蹤。

過潼關

一峯高起障秦京。隘道容車鐵作城。北阻洪流波浩渺。西當泰華勢崢嶸。雞鳴田氏三千客。雲散哥舒百萬兵。聖治只今惟在德。重門長啓塞塵清。

黃彥良 字朝明號百之延平教

冬宿延豐寺

步入青山第幾重。白雲深處見高峯。數聲幽鳥夕陽暝。一曲小橋流水通。有客坐看黃葉滿。無人踏破綠苔封。衝寒偶爾參禪宿。一笑何妨飯後鐘。

應尚惠 號息耕鏡川人志和之父

春遊

勝日相將出野坳。亭臺南去一川平。溶溶新水披朝凍。淡淡輕烟弄午晴。鶯徒喬林初試語。犢眠芳草乍休耕。同袍欲記茲遊樂。緩著吟鞭柳外行。

王純 字懷一號益專天皇人正統二年貢歷單父德化二縣教諭

野寺

此日攀躋到。方知法界清。樹搖雲有影。花落水無聲。深谷元猿嘯。荒郊野雉鳴。聊隨童冠樂。歸咏見吾情。

林璧 字貴璧號無逸丹邱後正統丙辰進士官吏部考功郎中典試江右取士如彭

時劉昇皆一時名人

山水畫

林壑深秋後。蕭條景氣清。雲峯寒更瘦。霜樹曉偏明。野曠天無際。江流石有聲。自居喉舌地。寒卻白

泉溪月色

靈泉漲溪盤百曲。雲根流出葡萄綠。廣寒宮闕夜
沉沉。素娥飛下波間浴。磬光月色共嬋娟。化爲千
頃瓊瑤田。扁舟乘興不知遠。飄如雲漢乘楂仙。

石林風聲

深林大木千萬章。歲久老幹凌雲長。天風時來作
靈籟。無端撼我林邊堂。堂中野人坐晨夕。滿耳鏗
鏘振金石。瑤琴膝上空自橫。古調欲彈彈不得。

邱

震

字廷範號拙菴泉溪布衣

元旦立春

北斗旋杓已建寅。陽和漸覺轉洪鈞。江頭柳眼含
春早。堂上椒花獻歲新。但願永如今日好。不妨還
是去年貧。眼中何物添詩興。幾樹梅花最可人。

賀林無逸新居

昔年華構已成墟。泉上於今喜卜居。十里溪山三
畝宅。半庭花竹一牀書。經綸長策行當展。詩酒閒
情且暫娛。晝錦他時歸故里。貯看門巷隘軒車。

應

律

字志和號復菴正統間鄱陽教諭敦行力學爲時推重

東西清蔡君尚則

老眼長如醉。逢君忽自醒。獨爲松菊主。不媿草堂靈。繞郭山如畫。當門檜作屏。地偏人到少。孤咏許誰聽。

書畫船爲黃少保賦

濟川功就賦歸田。適意南湖書畫船。細帙卷舒芸葉亂。水綃點染墨花鮮。清高不啻居天祿。幽雅渾疑在輞川。漫說風流同未老。儼然瀛海一神僊。

應家嶺祖墓

不埽松楸二十年。一觴酬罷淚潸然。那堪雨露濡日。正是風烟冷落天。秀色倚雲橫列岫。寒聲穿

竹落幽泉。弟兄垂老深相囑。莫教荆榛長墓田。

林宗斐 字居佐良齋子 著有頤軒集

重遊丹崖寺

杜鵑花發筍初抽。此日禪房覓舊遊。詩句且從支遁和。丹砂未向葛洪求。雲深龍氣噓青嶂。風煖鶯聲入畫樓。更喜茲行俱我友。攜尊林下共夷猶。

林謨 字居定號訥菴考功存省子正 統辛酉舉人蘇州府學司訓

送姪克祥還任尤溪

憶自除書下八閩。三年烽火正愁人。平安未報鄉園信。詿誤尋蒙驛路塵。公道昭昭同日月。皇恩蕩

蕩比陽春南還得到談經處。珍重斯文氣復伸。

郭瑋字端朝號筠心饒陽之孫

題鴈山諸景

遠駕雙鸞海上來。巍巍天柱倚高臺。石屏似爲安
禪設。瀑布誰煩玉女裁。霞障展旂光掩映。天聰卓
筆勢崔巍。不知龍鼻涓涓水。洗得靈巖幾劫灰。

呈鄱陽先生

纖柔鱸繪爛蒸瓜。蠻酒紅於頓遜花。一樣山。庄。閒。
趣味無因寄與五侯家。

謝

稔字懷豐號滙南溫嶺人宋名儒顯道之後

愚得謝員外將至詩以促之

月。氣序遞更新。故人遠爲別。對影拭清尊。卷帷待明。

春晚次韻

自喜幽居遠物情。更無剝啄扣門聲。巖根雲擁寒
仍在。屋角鳩呼雨半晴。細數落花穿竹去。閒看新
筍破苔生。一春心緒憑誰寫。聲罷瑤琴帶月行。

自喜幽居。...
 春融之野

方城遺獻卷五

長山後學李成經維三編次

林

鶚

字一鶚號畏齋泉溪人景泰辛未進士
 官至刑部侍郎卒贈尚書謚恭肅詳具
 乘史

起坐

聞雞起坐夜初闌。翹首青陽重整冠。曉氣靜通虛
 室。白曙光遙燭寸心。丹南薰漫說瑤琴樂。西爽從
 教拄笏看朝出。東華天尚早。仰瞻紅日正團圓。

題鷺鷥圖

幾年天上筵鴛班。振羽西離雪色寒。湖海歸尋白

方城遺獻 卷五
頭。侶。柳。塘。春。水。正。漫。漫。

墨菊

竹外山光映石壇。羣芳正怯曉霜寒。晚香亭上題詩處。冷淡秋容獨耐看。

謝省 字世脩號愚得景泰甲戌進士由部郎出知寶慶府淡於榮利未老即乞歸

當窗織

當窗織。當窗織。織來織去不停梭。草蟲夜夜催成匹。并刀剪斷新下機。兩頭零落絲亂飛。官家徵輸急。星火縱好不作身上衣。不作妾衣心亦足。免如去年賣黃犢。君不見東鄰女兒日日聞富貴。一生

羅綺間。當窗織。長太息。

晚發蒙城

晚發渦河上。輕舟一夜移。風波終不起。星月盡相隨。漁火明沙岸。人家隔水涯。寂寥當此景。况是酒醒時。

西湖追次黃少保韻

藕風吹雨過湖南。濕翠紛紛滴曉嵐。溪泛落花僧洗鉢。門臨芳草客停驂。眼看浮世心先醉。身在青山意自耽。早晚尋梅來放鶴。休官莫訝是虛談。

再次韻答編脩姪

江湖漂泊二毛初。半世謀身智亦疎。春意欲歸彭澤柳。年華未盡茂陵書。孤桐自覺非時調。尺牘誰能問客居。須信人生身外事。落花殘雨向春餘。

四月一日偶成

昨夜春歸去。春歸客未歸。倚闌無限意。數片落花飛。

銅雀妓

草色西陵暮。高臺盡斷腸。君王戀歌舞。留妾送斜陽。

林

偃

字克漸。泉州人。景泰癸酉舉人。山西黎城教諭。

陳撫松八十

紅顏未改舊風流。湖海名高百尺樓。玉屑丹砂資服食。青山綠水足遨遊。松聲滿戶時欹枕。花影當窗日對甌。眼底如君今有幾。非熊早晚佐西州。

李

璣

字崇信號。見一景泰丁丑進士和曲知州內陞刑部郎出守肇慶府都憲族

長嶼

獨秀峯邊翠作堆。幽棲如入小蓬萊。山中瑤草無人識。洞裏桃花空自開。

謝

績

字世懋。號王城山人。寶慶守弟。盛有詩名。客死武林。邸中

咏懷和鳴治韻

方城遺廟 卷五
騎馬城東路。春風綠葉時。野蠶成巨繭。織女抱空絲。流水有餘恨。浮雲無盡期。吟邊雙白鳥。天濶故飛遲。

次兵部長兄金陵見寄

曉風吹角起城頭。霜落長林碧海秋。事業無成頻看劍。弟兄何處獨登樓。籬邊黃菊催寒近。江上青山向晚愁。身世不如萍與梗。春波隨意自沉浮。

江頭行

湘。岸濶山容淡。江空竹影涼。舟中有瑤瑟。落日怨三

東浦夜泊

花。日落潮生浦。天空月上沙。歸舟與飛鳥。相趁入蘆花。

和長兄見憶韻

目斷秋雲落鴈時。彭城幾度憶論詩。多情夜夜孤燈夢。不待春風到草池。

黃孔昭

字世顯。號定軒。職方慎齋子。天順庚辰進士官至工部侍郎。贈尚書諡文毅。

送外舅慕陶蔡公歸田

野渡舟橫久。秋風解纜歸。水將鄉思遠。雲共宦情微。短棹衝鷗起。孤帆帶月飛。不妨波浪險。清夢在

魚磯

山寺

山隱招提境。人穿松栢林。鐘聲出樹遠。塔影到池深。掃葉分僧石。聽猿坐竹陰。禪關秋草滿。索寞向誰吟。

秋日郊行

偶因攜客出橋邊。長立西風思惘然。雨濕層巒寒照日。天圍平野遠浮烟。閑花落樹鳴秋浦。晚稻含香入暮年。看盡飛鴻重回首。數聲漁笛隔前川。

早起

曉窗無奈草蟲鳴。獨繞空階踏葉行。月伴殘星落南樹。鐘隨斷鼓起荒城。九峯雲暝生秋思。五鳳樓高想佩聲。待看海門紅日照。碧桃花外賞新晴。

林海 字用洪號雪窗團浦人

題美人圖

洞口碧桃花未開。石梁何處是天台。無情仙子休相問。曾誤劉郎一度來。

謝琰 字世弼太守從弟所居近山多雲因自號怡雲為圖賦詩傳誦京師士大夫多

之和

怡雲辭

云之來兮滿山羌。余心兮忘餐。子姑留兮無還。雲之去兮從龍山。幽幽兮無容。余懷怍怍兮將何所從。

陳彬 字儒珍號敬所莞舉人少與黃文毅林僉憲以文行相激老而不衰門人私諡

剛敏

寄黃世顯

芙蓉花後有歸期。明月涼風入夢思。看到三春楊柳色。孤鷺自恨語聲遲。

寄袁繡衣

草長萋迷滿徑苔。浮烟未散雨還來。扶桑影裏甘

棠樹多少遊人日。往迴

梅花洞

梅花洞口夾深溪。九老當年任品題。今日青山不容隱。五橋車馬聽驕嘶。

謝鐸 字鳴治號方石天順甲申進士官至禮部侍郎兼祭酒贈尚書諡文肅詳具史乘

白楓河 方氏之亂陳仲廣率族黨禦戰於白楓河而敗憂憤成疾而卒

夜泣愁龍鼉鳴呼壯士。可奈何。白骨兩岸高峩峩。君不見河之水深不極。至今中有銜冤石。

不特隘盜 潘省元伯修之死由方氏也

鴟鷂張悲鳳凰麒麟傷恣犬羊嗟嗟先生今則亡
君不見棘門盜能殺春申黃又不見寶應盜能殺
輔國王吁嗟爾盜何不解殺樞密郭更殺丞相方
樞密郭丞相方千載與爾誰流芳嗚呼先生今不
亡

雲峯觀稼

洗盞雲峯外千邨一望間亂墜爭入港斷隴忽依
山國屢豐登願民深稼穡難重城秋未鎖五馬暮
知還

春愁

獨上高樓望眼開春愁無數逐人來官河二月水
初合水國經年鴈未回岐路關心妨斥堠野田生
事入蒿萊何須更檢門前柳深放黃金作酒杯

春歸

城上東風送管絃倚闌人在落花天心嗟事往空
千載眼見春歸又一年孤枕久諳為客味空囊羞
辦買書錢誰言五柳門前樹不及蘇家二頃田

陵祀次李侍講贈行韻

諸陵王氣與天通唐漢分明在下風輦路夜深連

隧。道。寢。園。春。近。接。離。宮。水。聲。直。過。龍。河。北。山。勢。遙。
臨。碣。石。東。聖。德。皇。恩。今。億。載。豈。勝。悽。感。月。明。中。

王侍郎墓

東。嶼。曾。無。主。西。陽。豈。有。宮。惟。應。歸。鶴。夢。淒。斷。月。明。
中。

旗山

參。差。石。外。峯。彷彿。樓。上。旗。空。憐。太。守。績。不。作。摩。崖。
碑。

次陳儒珍韻

莞。輿。東。頭。去。路。賒。獨。乘。羸。馬。到。君。家。十。年。夢。裏。相。

尋。處。依。舊。青。山。兩。岸。花。

送陳師名

秋。盡。湘。江。鴈。未。歸。馬。頭。黃。葉。向。人。飛。多。情。正。怯。東。
郊。路。一。向。西。風。又。客。衣。

王

佐

字仁甫號古直能詩善行草旅遊京師
三十年意度直率胸無蹊徑李西涯吳
匏菴甚重之遺詩六十三首謝文
肅手集天台龐叅政元化為梓行

畫竹

瀟。湘。綠。玉。崑。崙。石。移。向。高。堂。之。素。壁。四。座。涼。風。帶。
雪。吹。半。窗。疎。雨。和。烟。滴。九。疑。夢。斷。瑤。瑟。寒。貼。雲。影。
落。雙。飛。鸞。霓。旌。掩。冉。欲。歸。去。美。人。持。贈。青。琅。玕。也。

會拂拭蒼苔。色坐弄參差。楚天碧。曲終日暮。山鬼啼。自寫幽情寄相憶。

除夕偶成寄木齋太守

立春十日歲將除。夜靜無風雪壓廬。孤枕臥思千古事。一燈愁坐二更餘。笑談不奈聊隨俗。故舊頻煩問索居。身世已甘長寂寞。時人休笑病相如。

趙元銘

字廷時號白雲烏根人以齒德為世所重黃久菴銘其墓云嘗遇異人

栽杏

白髮移根總道遲。何年及見子垂垂。老夫但欲添培植。不問開花結子時。

葉

胚字全卿號頤齋鏡川人建寧訓導與陳養齋林竹仙三人同志論詩必宗少陵

送陳尚菊之淮安任

匹馬蕭蕭別故廬。丈夫出處豈兒嬉。十年海外長看劍。今日囊中始脫錐。聖主更張圖善治。老成奮起有推移。蕭曹事業由人做。莫為公家作繭絲。

陳

熙字元治號震齋屏下人山東霑化訓導與謝方石有往來詩

送族兄尚菊之官

鄉國歸來已十霜。閒情爭似宦情忙。莫嫌此去秋容淡。正是黃花晚節香。

趙元鏐

字廷貢號約齋與兄白雲齊名

東園卽事

尋向東園結草廬。地偏喜與世情疎。青山近戶四時好。古木參天百載餘。籬菊開時沽酒玩。畦蔬種後帶經鋤。客來煮茗談文字。莫笑無錢去買魚。

林霄

字克冲號勿齋成化戊戌進士入翰林歷刑科給事使暹羅抗節不屈結憤而卒

金門待漏

天雞聲罷月朦朧。門擁千官聽曉鐘。環珮靜凝松露白。旌旂遙映海霞紅。九重丹闕瞻依裏。四海蒼生寤寐中。閭闔晴開天咫尺。願輸忠赤啟宸聰。

賜遊西苑

曾聞西苑是瀛洲。此日承恩試一遊。堤柳翠連山色媚。宮花香傍紫雲浮。石城深鎖千年樹。水殿涼生六月秋。緩步獨歸何處去。攜辭應在鳳池頭。

徐紹

字子文號望軒創盤峯鄉約一十

蕨其行

有草有草名蕨其。根生土底莖頗肥。邊民絕粒三月時。長鑿斲遍春山歸。擔頭苦重力苦衰。老妻望翁來何遲。忙汲清泉淨澣洗。曬向斜陽未易晞。且春且焙心孔悲。癡兒索食聲聲啼。阿娘抱兒雙淚

垂溝壑委命斯其時君不見太倉有粟自紅朽途有餓殍渾不知

題從兄子山嫂陳氏貞節卷

嫠婦守空幃。貞心礪金石。風刮破窗寒。雪添鬢花白。熒熒榻前燈。相看淚雙滴。母辟繡兒讀書門。前

闐寂行人稀。破壁春深長。蘿薜空階雨。過生苔衣

林克賢 字一中號抑齋與侍郎一鶚自相師友

成化丙戌登進士仕至福建按察司僉事以骨鯁數忤當路不得大用

待渡

樹暝寒烟霏。山空白雲亂。落落濟川舟。待渡秋江

半。

休衙即事

落日荒荒照女牆。輕陰閣雨過西廂。無情最是新巢燕。猶自雙雙語畫梁。

陳瑄

字子潤號養齋蔡陽人博學高才為文肅謝公所器

採桑怨送葉全卿大貢

桑葉青。採桑飼蠶無時停。桑葉黃。雞鳴下牀縑車

忙。秋蟲聒聒窗月斜。挑燈夜踏縑絲車。聲軋軋。郎

需衣。高堂晚蹙鴛鴦機。衣成獻御時已暮。辛苦自

知郎。莫顧君不見溪邊女兒夜浣紗。明日城中賣

新布

金澗 字奇淵號固軒水洋人敞之父

環川

一室抱邨流。軒窗面面幽。涼消三徑暑。清擁一簾秋。遶舍虹長臥。經簷練不收。所居雖咫尺。應得擬瀛洲。

金譔 字尚註號仁峯

次方石先生春興

斜日晴鳧浴淺洲。疎迂心性擬同遊。極知履世如春夢。不用臨風寄客愁。舊砌有花堪載酒。抱琴無

路只登樓。閑吟盡日歡何限。白髮無情任上頭。

黃倫 字汝彝定軒從子休寧司訓程篁墩學士詩文友

題泉溪蘇侯南新樓

磅礪河隍著小樓。胡牀清夜美遨遊。憑闌笑對松蘿月。簾捲西山一色秋。

林崇璉 字介如一。字克。倚松谷曾孫。

古閘離懷送余西巖

雙虹同地久。一水與天長。源遠流無息。交深別轉傷。波光涵去棹。酒色映離觴。倦倚江亭望。漁歌已夕陽。

應 紀 字茂脩號繼休復菴子成化庚子舉人歿縣教諭

次韻荅方石先生

小小衙門碧樹封。門前岐路任憧憧。秋風何處非彭澤。舊雨無端憶灑東。物外野鷗時共適。山中木客日過逢。故人自分窮應甚。底用昌黎作送窮。

邵 誠 字元侃成化戊戌進士仕終光祿少卿立朝多所建白世家虞舉

奉謁葉益軒墓

會輔堂前舊德輝。夜燈功在主人非。青山在在堪埋骨。行路憑看淚濕衣。

王 特 字崇俊號靜脩河邊人戴給事顯出其門子廷佐廷儒俱以詩名

咏懷

神龍久淵淪。風雷愆會期。易服處卑微。魚蝦或見欺。否塞無攸往。栖心秘靈竒。元德極高厚。優游潛俟時。終當躍雲衢。膏霖遍天涯。

林天爵 字進脩號惕若車路人吉安司訓嘗修邑志

雞冠花

濕雨欲飛飛。不起迎風似鬪鬪。無聲幾回殘月山。窗下誤盡羈人聽。五更。

李 璋 字文魁號竹窗江洋人

咏芙蓉

江風吹動蔚藍天。一樹垂垂散早烟。粧點秋容還著汝。肯隨桃杏競春妍。

陳綺

字于章南開人成化戊戌進士歷官四川參議按林鶴巢先生書公傳後云公初為工曹郎奉命視河時河決張秋內監李興察知公能與山東叅政張縉並薦公力辭天台龐給事元化語公曰李內官薦章至深懼執事在列今不在衆論韙之又云公在松潘廉明有威巡撫鍾公薦其才可大用而同事者不說致罷士大夫都賦詩贈行

江邨卽事

庭鵲查查日欲曛。黃魚初上好開樽。今宵恐有客來到。分付家童莫掩門。

戴豪

字師文號敬齋溫嶺人成化戊戌進士初任兵曹裁決如流辦事精敏馬文昇為尚書特倚重之擢廣東右叅政卒年僅三十六傳有贅言錄及二戴小簡

短短牀

短短牀。眠頗宜。支牀有伏龜。傍枕有靈著。早夜相隨。一編易。春夢悠悠空爾為。

狐作人語。卽欲出門。姑待旦。送宗姪廷玉赴泰和典史。苦憶林間竹。翻憐水上萍。千年此原本。一命亦光榮。夜雨黃花瘦。秋風白鴈征。臨行無別語。努力在

送宗姪廷玉赴泰和典史

苦憶林間竹。翻憐水上萍。千年此原本。一命亦光榮。夜雨黃花瘦。秋風白鴈征。臨行無別語。努力在

功名

送林黃門奉使暹羅

萬里樓船使遠藩。赭袍新浥御香溫。暫歸真使鄉人駭。專對應教國體尊。風動節旄開毒霧。雨隨仙騎灑蠻邨。篋中帶得春秋去。付與相傳教子孫。

送徐叅政

平生自笑迂疎甚。古道相期感激多。尚想燕臺求駿骨。真教閩海息鯨波。江山別後添秋鬢。風雨愁來入夜歌。目送飛鴻又南去。誰將身世問東坡。

陳廷冕

字仲軒號慎齋屏下人少與主事徐西浦共學拜淮王府引禮舍人委謁金陵

著有適情小稿

寄姪雷洞

思家千里獨登樓。堂上寒燈動暮秋。夜月江湖詩遣興。客窗風雨酒消愁。鄉書到手青雙眼。王事關心白半頭。何日竹林同引鶴。脫巾移石倒吟甌。

江一桂

字崇信號白泉盤馬人

秋涼

機杼誰家絡緯聲。芭蕉葉上雨初晴。南鄰絺綌休增價。昨夜涼從竹裏生。

林倩

字廷美號竹仙珠邨人嘗與葉全卿陳養齋寓郡之水家洋感物吟詩各自誇

為老杜忽有人闖然而入曰君等自命工部世豈無昌黎遂邀坐聯句詩成逕去不告姓名時人喧傳謂韓劉侯相聚而遇軒轅道士也竹仙為王東瀛侍郎所重歸南臺日嘗有他年林下重相見不道詩仙是竹仙之贈

贈葉全卿分教建寧

我有綠綺琴。被以錦繡囊。逢人試一鼓。清音何琳瑯。重華世已去。子期今則亡。攜就竹邊石。太古天茫茫。溫溫荆山玉。世寶無與敵。卞生苟不逢。埋沒隨瓦礫。物遇固有時。天運安可測。拂衣就長道。去去君莫惜。

懷遠堂

康節道存終歲樂。柴桑風在一身清。入門四顧無長物。留得臨川陋室銘。

鍾復 字慶心號養思山南人有聲場屋間

送陳原誠之官 附考原誠名誠號尚菊坊下街人工詩兩考釋褐任淮安

副使 館運倉

酒酣歌罷劍心飛。笑指長淮路似歸。擊柝有官皆是道。皇恩無地不生輝。儘多湖海交遊在。莫遣風塵面目非。不于馬蹄明日去。清樽相對兩依依。

戴特 字師唐參政從弟由舉人任鶴慶推官調署武昌府篆著有萃同集

旅思

江南一棹趨西風。塞北看花驟雨中。滯客胡牀千
種夢。疎林蕭寺五更鐘。鄉關在念山山遠。道路無
情處處通。輾轉市樓天欲曙。子規啼過野橋東。

黃 甫

字汝脩號艾齋文毅公子成化辛丑進士授兵部主事被命往樂清營章侍郎葬事以疾在告再起為文選守職慎法如其父為當路所嫉遂乞歸以子貴贈尚書

許縣舟次

新月照平沙。江烟籠遠樹。遙聞犬吠聲。始覺人處。

田家

秋稻連雲半未黃。十家茅屋五家桑。遶邨流水斜
陽影。風景依稀似故鄉。

送人

一鴈西來九月秋。黃花綠酒送行舟。舊遊何處頻
回首。水滿長江月滿樓。

邵 恆

字癸卯舉人誠從弟成化

春景

藜杖尋春一徑遙。竹籬開處近江臯。東風昨夜消
殘雪。纔放新紅上小桃。

秋景

高枕石頭秋露冷。夢龍仙子酒初醒。臥聞不是蕭蕭雨。松子隨風打鶴翎。

李公挺

號挹翠南監人學博才贍與姪靜修勉學並樹幟吟壇

紫藤花

蒙茸紫藤花。脆弱全無力。得我萬年枝。嫋娜生顏色。莫謂顏色好。屈身不可道。誰與爾同根。而來強。縈抱揮之不可去。深根且固蒂。吁嗟老樹成枯株。爾身爾身復何為。

漁父

湖海風光萬里看。一舟蕩月浪花寒。得魚換酒須臾事。千尺絲綸百尺竿。

繆恭

字敬思號守謙鏡川人為縣學生棄去泰陵初以布衣上書論事指斥忌諱見繫賴上不之罪放歸自是杜門卻迹授徒自給著有茅山藏稿

臨清阻

時以陳言北上

天高地濶景悠悠。帝里重來易白頭。郭隗有臺空買骨。仲宣無處可登樓。魂銷古渡停橈夜。夢聒芭蕉戰雨秋。羅隱一生忠義在。為誰輕泛五湖舟。

葛仙煉丹處

葛翁當日寄茲山。爐裏丹砂已九還。安得長空迴

鶴馭為予指點白雲間。

林潤字克和號次菴恭肅公從弟左都督府訓導

次同府周公遊錦屏

錦屏十里是吾家。聞說屏中錦似霞。今日我來堪一笑。滿山開遍杜鵑花。時鄒令酷刑故云

趙崇賢

字彥達冠嶺人自號次山由舉人任汀州教陞六合知縣正德四年牧廣德時方議津貼建平軍需以助養馬公謂馬政派自草場軍需出於田畝縣民食田之力而州民為之納稅非制也亟白憲止之州民德公建三惠祠以公及王邦瑞彭棟並祀焉後遷道州未幾致仕

送吳叅戎之西蜀

湖海風光萬里看。一舟蕩月浪花寒。得魚換酒須臾事。千尺絲綸百尺竿。

繆恭

字敬思號守謙鏡川人為縣學生棄去泰陵初以布衣上書論事指斥忌諱見繫賴上不之罪放歸自是杜門卻迹授徒自給著有茅山藏稿

臨清阻聞

天高地濶景悠悠。帝里重來易白頭。郭隗有臺空買骨。仲宣無處可登樓。魂銷古渡停橈夜。夢聒芭蕉戰雨秋。羅隱一生忠義在。為誰輕泛五湖舟。

葛仙煉丹處

葛翁當日寄茲山。爐裏丹砂已九還。安得長空廻

鶴馭為予指點白雲間。

林潤 字克和號次菴恭肅公從弟左都督府訓導

次同府周公遊錦屏

錦屏十里是吾家。聞說屏中錦似霞。今日我來堪

一笑滿山開遍杜鵑花。時鄒令酷刑故云

趙崇賢 字彥達冠嶺人自號次山由舉人任汀州教陞六合知縣正德四年牧廣德時

方議津貼建平軍需以助養馬公謂馬

政派自草場軍需出於田畝縣民食田

力而州民為之納稅非制也亟白憲止

彭棟並祀焉後遷 道州未幾致仕

送吳叅戎之西蜀

舍菱誰云蜀道難。劍光遙射雪峯寒。碧波草色新

詞賦白羽風情舊。將壇擁節遠征誇。介子揮戈一

出破樓蘭。行看幕府功書最。早晚金貂上武冠。

李學 字習之號秋江長嶼人高郵訓導著燕石錄

贈蔡勉齋

淨絕胸中物。連牀擁古書。工夫須百倍。事業屬三

餘。天上無飛鴈。池頭有墨魚。凌雲詞賦手。定似馬

相如。

陳璚 字宗獻號省齋竹岡人樂清籍宏治末進士官至刑部侍郎講明律法尚書聶

賢撫其稿刻之名曰比部招議甚資吏治 按邑志於贈蔭載其父子兩世反

於侍郎本身佚之殊不可解

遊能仁寺和韻

獨上高峯望遠荒。龍湫飛瀑灑衣裳。溪山有待頭顱白。時序無言木葉黃。長得尋僧來梵宇。何須起草借明光。昨宵風雨重陽近。邠老詩成寄草堂。

胡叔濂 莞田人海豐知縣

遊丹崖

幽思從來繞荔蘿。言尋仙跡度崇阿。時聞谷鳥啼深竹。重見巖花帶淺莎。丹未九還人已老。吟成八景興何多。可憐燕去菴無主。一徑斜陽夢裏過。

林應亶 字慶良號惕齋居恆之後詩見會壇集

次李秋江博士秋景韻

孤鷺橫飛點彩霞。無邊清景落詩家。黃姑河近橋將渡。白帝城高日易斜。苜蓿正來文館味。蓴菰又起故園嗟。眼前漫論秋容淡。江上木蓮還未花。

王 雲 字上德號梅關泉溪人九老崧之孫明經

梅花

窗籠淡月暗香浮。簾捲清風酒數甌。留得霜根老。牆角年年春色滿。枝頭

金 邦 字鳳景號月河水洋人

客窗有感

客舍殊方久。驚時感百憂。歲華渾易轉。春意苦難酬。夜雨誰聯榻。東風獨倚樓。曉來聞杜宇。歸思滿行舟。

暮春

江上花飛是暮春。江頭遊子倍傷神。一年幽事成虛約。只恐光陰不待人。

徐祖祥

字鳳卿號峯南望軒子與弟一進皆有詩名林白峯出其門

秋懷

梧月槐風徹夜清。寂寥庭院坐深更。流螢亂掣星

河影。落葉時傳風雨聲。天漢豈為楂客路。江蘿真得楚臣情。蕭條遠憶千年事。吟對高天獨自行。

春雪

天風吹雪灑春郊。不放陽和媚柳條。最苦栖寒山外雀。一枝獨立自條條。

梁伏元

字希乾後峯人見二林考功盤峯四皓詩

與徐菊莊先生遊雪山

振衣白雪到層巒。極目蒼茫恣大觀。日月手援高咫尺。雲霞足躡擁羅紈。鐘聲曉逐泉聲遠。松影陰隨峯影寒。遙憶昔年凌萬仞。憑空終日望長安。

吳昌字順吉號檜軒浦頭人見沈巢雲詩記

懷友人縉卿

夕陽倒影水光寒。一抹烟花繞客欄。回首相望雲樹裏。舊遊燈火隔芝山。

陳

進字崇志號練溪莞人彬次子宏治乙丑進士崇安知縣

題王貞婦冊珠邨王雲母

弱草輕塵總世情。是誰獨解重中輕。分甘令女隨曹滅。迹比程嬰為趙生。斷髮自憐心匪石。顛天直欲淚崩城。史臣何用春秋筆。異物也能感至誠。貞婦立志不嫁里豪有謀篡娶之者見二虎踞門始驚散袁令道傳其事遠近紳士多贈詩遺冊至今存

方城遺獻卷六

長山後學李成經維三編次

戴

顛

字師觀號筠溪温嶺人正德辛未進士入翰林歷官吏科給事直聲著聞人皆憚之有倦遊歌草及雜稿

玉堂對菊

玉堂簾捲日初移。影落花罇菊數枝。高興不煩人送酒。好懷長對此吟詩。風前漸覺清香細。霜後還看晚節奇。莫怪惟渠心性別。陌頭紅紫去多時。

臘朔候朝送駕省牲有作

冬至園丘又報春。太常脩禮事明禋。晨星北拱朝

元殿玉露寒。沾待漏。臣虎豹。夾持千將幕。龍蛇飛動。九街塵。兒童亦解尊天子。共說衣黃是聖人。

憶江南 十首存一

五里灣頭四漿船。上連風。月下連天。南人自不慣。騎馬誤折楊條向日邊。

黃 綰

字宗賢。號石龍。定軒侍郎。孫由。恩蔭。歷官至禮部尚書。勲業懋著。為一代名臣。雖在宦途。不廢講學。以女妻王陽明先生。子并為疏乞身後恩。卹生平著述甚多。焦氏經籍志有久菴集。選十六卷。

白紵詞

青山落日白霧長。野色欲歛猶蒼蒼。群鳥爭栖傍。

林翔居人已息。行人忙。歲聿云暮。開我堂。羅肴張燈。飛羽觴。鷄鳴夜闌不相妨。

江南曲

郎住大江水。妾住古井頭。江波日夜逝。井水終不流。遊女蕩輕舟。朱顏照綠水。朱顏雖可見。誰見妾心裏。

同金嵩溪遊南嵩巖

爽氣入新秋。同為汗漫遊。雲來山徑杳。雨過石門幽。縹緲峯頭靄。微茫海上洲。不堪回首處。舊院已

成邱

和顧華玉遊雲峰

精藍絕頂敞幽扉。我亦曾來借衲衣。山色未應隨
客換。雨花猶憶傍人飛。芳樽石上憐春去。皂蓋雲
中向晚歸。見說相携多逸興。寒泉枯木共天機。

潘祿字洪量號雲塘沈魯人莘縣司教葉海峯從之遊

次臨川鄭君舟中韻

岸柳汀花照客衣。片帆趁得好風歸。憶家心逐雲
南去。戀闕情同雁北飛。入眼風光行處好。隔村烟
火望中稀。自憐空作江湖念。吟倚孤篷對落暉。

陳彥字秉機號未齋葉與人

松鶴

根老徂徠舊襲封。飛來華表遠樊籠。摩空老蓋擎
朱頂。唳月清音墮碧叢。栖傍翠濤驚夕夢。涼生蒼
雪落仙風。子喬不向緱山駕。梁棟時需出華嵩。

鍾世符字階甫號篤菴樓下人從王陽明遊居喪以孝聞在太學上書攻逆瑾不報士論壯之尤為湛甘泉王虎谷所器重時相董與世媾以不為之下銜之除廣西潯州昭磨到任卽謝歸築養心窩詩酒自適著有三治稿蘭竹山房稿詳見鄭孝子傳

林山吟

林山吟

扶鳩杖兮逍遙。望丹邱兮窈窕。雲飛兮山巔。鳥啼兮木杪。物情自得兮知者少。

葉鳳岐

字昌治號果齋牛橋人四川梓潼訓導

野鼠圖

遊。秋菰散平野。飽食自悠悠。生憎秦相國。共羨太倉

謝增

字希高號祇齋橫山人師陳敬所與高端實為友貢授寧陽訓導

送林惕若應貢

官河柳。鞞錦帆。催把袂。春風餞別杯。淪落十年淹。驥足飛騰千里見。龍媒談天應過鄒生宅。弔古還

登郭隗臺。况是昇平逢聖代。好懷何處不堪開。

江

琅 字時脩號東溟一桂子聲名出葉海峯之右

無語

野色暗村莊。斜陽轉曲廊。南山荳萁熟。北舍甕籩香。林葉風墀滿。籬花月徑芳。多情秋夜意。無語對寒蟬。

自適

開門揮帚掃庭楓。髣髴風前類短蓬。笑拊樊籠馴翠羽。坐移階樹剔青虫。可人到後悲年暮。舊事思來似夢中。天氣縱寒還易暖。陽和看轉小園東。

葉慎字允脩號恒陽牛橋人秋官鳳靈子王陽明先生門下士南衡陳祠部序其集

寄王龍溪侍御

鴻雁。雖。雖。風。雪。深。南。天。愁。思。正。難。禁。冰。霜。搖。落。芙。蓉。國。虎。豹。遲。回。薇。蕨。心。秋。水。美。人。長。在。夢。還。方。落。日。晝。常。陰。桃。花。流。水。天。台。近。悵。望。漁。郎。未。賞。音。

毛旭字永日號慨源晉山人博學有守所著有紀真稿

新雁

落。葉。衡。陽。雁。幾。行。南。來。北。去。自。參。商。徘徊。影。帶。邊。城。月。嘹。唳。聲。寒。遠。塞。霜。愁。傍。晚。汀。蘆。荻。冷。樂。逢。秋。野。稻。梁。香。上。林。不。寄。蘓。卿。信。多。少。離。人。在。異。鄉。

林文相字天寅號重洲後街人漳浦丞

渡揚子

江。天。杳。杳。江。日。晴。江。鷗。片。片。江。花。明。千。里。樓。船。遠。遊。客。鈎。簾。獨。酌。難。為。情。試。舉。一。杯。醉。江。水。東。流。汨。汨。何。時。已。

梅壑清香為友人阮君賦

層。厓。邃。壑。白。雲。深。萬。樹。梅。花。碧。水。潄。才。是。廣。平。應。有。賦。興。如。杜。老。豈。無。吟。傳。香。撲。酒。風。初。度。散。影。籠。沙。月。正。臨。自。是。孤。山。高。隱。處。欲。携。雙。鶴。日。相。尋。

葉良佩字敬之號海峯鏡川人嘉靖癸未進士歷仕刑部郎中奉法無私以是招妬罷

歸潛心述作
卓然可傳

臨高臺

臨高臺憑軒望不回。烟艫風帆渺千里。夕陽孤鳥
江生哀鬱鬱。金臺山迢迢。廣陵樹日暮。水增波佳
期在何處。自從十三學歌舞。生長青樓人未睹。只
今二八青春深。朱絃獨奏相思苦。君家十二樓。豈
無衾與稠。閨中但相妬。娥眉見無由。江口風恬正
堪渡。玉帛蹇脩來何暮。不愁獨處寒無襦。但惜繁
華時易過。美人華屋高浮雲。瓊臺綺閣不勝春。朝
朝暮暮登臺處。山木江波愁殺人。

題嚴子陵釣臺

桐江山水冠南州。江上曾經鳳鳥遊。萬壑遙連桐
柏嶺。雙臺高壓富春流。豈緣世故輕文叔。要使人
間識許由。畱取一絲援漢鼎。中興風氣屬滄洲。

送符松岩表弟

入門童僕走匆匆。一笑相看兩意同。千里征衫春
雨濕。十年心曲夜燈紅。古槐巷北苔如洗。優鉢花
前酒未空。明日江亭又分手。離歌先到夢魂中。

九日登丹崖次杜韻

海天空濶暮江哀。雲樹微茫首重回。金薤紫鱗真

間出瑤華青鳥定啣來垂綸下佔漁翁石度曲高
連帝女臺蓬髮十年猶慷慨携朋霑醉菊花杯

戴顓字師孔號雙石筠溪弟

三月三日

三月三日花亂飛綠草小亭長掩扉不是心性愛
獨坐似覺風流與昔違蜻蜓蛺蝶競舞弄棗竹芝
蘭相倚依起咏春光步簷角幼兒含笑來牽衣

幽居

破屋矮簷風不斜幽栖差可避紛華上階細雨惟
青草著樹新春只舊花鶯送清商來耳畔蝶粘嫩

粉到窗紗莫遲斗酒東園興明日陰晴未有涯

金做字允浩西江次子

酬葉正郎

經旬卧病怯登臺仙棹遙從鏡水來蓬戶久憐無
客到襟懷重喜為君開竹爐煮茗畱清話村店沽
醪費屢催日暮狂吟渾未足呼兒秉燭盡餘杯

金崇潔字允宣號臺山水洋人

五日西吳太史第醪會與馬孟河李北山分

賦二十韻

延賞茲蒲節皇都物候新陰陽分姤復天漢轉星

辰槐影徐侵院。榴花故近人。蘭香薰上酌。珍核錯
前陳。孤客蓬心倦。群仙藻思神。馬枚攀逸駕。李杜
接芳隣。時序何飛電。炎光倏送春。倚歌將引玉。醉
德已先醇。忽憶三台柳。同征九陌塵。綺雲峯外迥。
爽籟座中頻。冠蓋憐殊壤。巾袍媿此身。屈平曾獨
醒。阮籍久沉淪。江海分流坎。乾坤自主賓。逡巡濡
墨碗。懶漫倒羅巾。食黍看鄉社。翻紉總摺紳。艾懸
難作佩。渡競欲通津。土俗經年感。襟懷竟日親。明
經歸鹿洞。談道向河汾。白璧酬何主。黃金散未貧。
風流兼草聖。今古見清真。

邵

濬

字一元號象峯泉溪人嘉靖戊子舉人
官德王府長史有杜詩陳詩注解行世

奉謝周履所商明洲就酌予於新街口

日華西入紫烟浮。誰引壺觴上小樓。意氣可人非
獨酒。風光伴我不知秋。寒門靜夜停車馬。高漢疎
櫺麗斗牛。此會開懷宜盡醉。相逢何必脫鸛裘。

雷陽道中柬戴前峯

十日風花不得開。清朝信馬踏蒼苔。幽林有鳥能
百轉。長路於今經幾回。宦海只看天日好。髣華無
柰雪霜催。前峯秀出青霄近。瞻望何須雪夜來。

鍾世昭

字昶甫號鳳城崇府典儀

六坊遺獻 卷六
德州兌稅太守陳秋湖節推周松厓枉顧
官卑責易稱。地靜日偏長。飯熟河魚近。詩成市酒
香。雨催花信早春。染柳芽黃。誰引雙旌節。相看過
草堂。

姪孫誠齋廬墓詩寄

白雲蒼樹丹崖北。舉口相傳李氏居。千古雲山終
不改。一時添設偉元廬。

鍾世給

字資甫號星山山南人嘉靖辛卯舉人

丹崖同族從分得陰字

懸崖窈窕薜蘿深。寂寂仙人何處尋。翠岫千重來。

暮色蒼嵐一片盪。春陰山僧策杖當松逕。詞客携
壺傍竹林。相對不知塵世事。丹爐笑指碧雲岑。

毛秉燹

字天民號雪峯晉山人爲郡守東橋顧公所敬著美芹稿

常州

望亭亭上望毘陵。景物偏傷逆旅情。對岸湖山愁
裏色。隔江波浪坐來聲。五雲臺榭烟霞遠。千里風
檣客棹輕。莫問移居蘓子宅。淡雲疎雨滿孤城。

王廷侔

字叔達靜脩季子著雁湖緒言

與徐復齋亞卿程十峰憲副盧青厓叅伯遊

柯山寺

不到柯山已數年。青霞石室尚依然。松花落盡千
山碧。雲葉飛流萬里天。虹石招邀烟外客。鵲橋冷
落座中仙。白雲深處多樵子。誰復忘機白晝眠。

程繼耕 名汝用
烏根人

次侄平泉暮春韻

坐對江山日欲西。杖藜徐步綠陰低。百花點水春
光散。萬木繁林夏色齊。新泣杜鵑添我恨。舊遊驄
馬向誰嘶。際時撫景多傷感。安得如椽一品題。

葉良仕 字楚之號鶴
洲海峯從弟

得舍弟厚之陽山信

獨枕姜生被。時吟茂宰篇。蒼顏憑夢見。黃耳忽書
傳。風物憐殊壤。星河憶共天。懸知離別念。相望動
經年。

黃中 字孔美號觀頤洞山人事實
詳門人朱子光所撰墓誌

偶題

玉井分清六月寒。金莖無數接香巒。曉凝宿露荷
風起。萬斛明珠走翠盤。

林大節 號莘田居蔡
洋荆府教授

喜得邵仰臯書

分清獨煮山僧茗。問姓曾來長者車。客路不緣鄉

使便索居那得故人書。空山白石寒雲滿。踈竹幽窗夜月虛。少日相知今白首。茂陵誰道有相如。

徐冕 號南塘大學士張蘿峯嘗聘為子弟師著有學庸新說

旅館聞鶉

宿雨初收花滿溪。數聲杜宇隔牆西。知他何處飛來者。叫道不如歸去兮。紉線豈無東野母。斷機寧少樂羊妻。枝頭有血空狼籍。莫向窗前賦式微。

林鳳儀 字舜之號月航

夜宿黃海洲花下

今夜客眠何處村。長沙磧裏舊柴門。微茫草樹春

風合隱見魚龍海。色昏湘水有靈思。帝子錦城無主泣。王孫相逢漫說沉碑事。江漢風流亦可論。

趙恩 字戴夫號小山次山州守子廣東高州司理

石梁

弭節凌山阿。雙崖巨靈擘。虹矯亘長空。鑑寒古甃碧。坐澄水月襟。緬懷天路客。終當侶松喬。雲栖鍊金液。

送侯東江北上

出谷鶯啼曉日紅。驪駒催發畫橋東。江波色映王孫草。岸柳絲牽少女風。雲路祖鞭今始著。金閨漢

籍舊曾通超羣爭看龍媒種不數當年得駿功

郭琦號振齋泉溪人

送陳學博赴豫章

無數春風動海陬。蘭舟桂楫赴章流。一杯難盡頻年意。雲樹迢遙帝子樓。

葉良儲字厚之號少峯海峯弟陽山令配食昌黎

答金十竹

敢將簪紱惜才微。短褐西風咏去歸。萬里河梁迷遠望。一竿雲水暫相依。音傳嶰谷思投社。夢入淇園定息機。謏薄自慚心未素。誰能莊蝶與同飛。

壽王雁洲賀

團雲蒼蓋起高岑。天籟風傳作好音。卧石頓醒丁固夢。采苓終遂鄭熏心。瓊樓樂奏元雲曲。綺席詩成絳雪吟。共羨哲人增福履。岡陵同聳海同深。

沈升字子積號曉山松門人句容訓導陞國子助教著楚游稿

江滸獨遊

天涯何處訪情親。行遍山椒更水滸。楚國自來輕璞玉。江潭終古怨騷人。冥冥遠渚飛黃鵠。嫋嫋秋風轉白蘋。欲待佳期重貽佩。芳洲蘭芷為誰紉。

秋日登黃鶴樓

十二赤闌危。造天蒼梧。洞庭俱眼前。遙峯晚霽。蕭湘雨。廣野秋清。雲夢田梅花。幾落樓中。笛風馭空。聞鶴上仙。崔灑風流千古。在漢陽烟樹。滿晴川。

題黃宗治補衮圖

日日深宮踏錦機。年年勞製衮龍衣。輸他窈窕香。閨女繡得鴛鴦作對飛。

葉涵 字應度號乙洞恒陽子

贈嵩溪金古洲

小築環群岫。平蕪淡野烟。鳴禽時上下。老圃日周旋。斷石樵柯爛。深溪釣艇還。幽閒忘歲月。只此武

陵川

陳廷璧

字仲完號月塘屏下人與黃海洲陳芝山輩結吟社趙方崖大司馬嘗為梓其詩名空谷遺音集使洛浦聞山人病寄詩有洛浦望鄉南斗近相思無柰故人貧之句

去矣行

君不見海上鷗。機心一舉即翺遊。不作野田之黃雀。隱忍甘為禾黍謀。丈夫意氣多豪雄。豈能汨沒塵埃中。招邀直擬松喬輩。長嘯青天騎白龍。

種花

種花不必多。但願開能久。一樹月月紅。勸盡杯中。

酒。方。城。道。處。

方。翬。字。用。晦。一。字。緝。軒。號。霞。洲。松。門。布。衣。

贈王碧山

有。客。金。臺。彦。早。悟。西。方。教。種。種。菩。提。心。一。絲。通。萬。竅。神。遊。幻。化。空。道。冠。先。天。妙。南。樓。夜。語。深。篝。燈。却。相。照。

黃士民 字存觀號海洲長沙人趙中丞聞其賢折節下之著有白鷗翁稿

寄問山中友

名。山。誰。可。到。怪。爾。結。幽。扉。松。子。和。雲。落。藤。梢。拂。霧。飛。響。絃。流。水。急。過。雨。藥。苗。肥。料。想。經。行。處。閑。花。亂。

點衣

有客

沉。冥。無。所。謂。有。客。到。漁。家。宿。雨。依。江。樹。秋。風。滿。釣。槎。水。寒。魚。鱗。少。日。短。荻。蘆。斜。欲。解。簑。衣。去。同。君。問。菊。花。

江。察 字。鳴。晦。號。獨。山。東。溟。從。子。著。白。田。蕪。語。

對雪憶撫廩二侄

南。雪。不。到。地。東。甌。已。滿。山。更。愁。飛。八。月。諸。少。滯。榆。關。

陳。劍 字。慶。芊。號。五。山。肥。遯。之。後。

贈別孫少梅

江畔逢君日交游已十年。元珠還在握。逸駕幾時旋。林下稽中散。人間李謫仙。茫茫傷重別。寶劍自須憐。

狄貴錦 字尚啓號待菴光明人

登羅山亭

羅山亭上倚闌頻。爛漫花開遠映人。北極星辰千里迥。南州風物一時新。長空雲淨盤鵬鷲。碧海峯高見鳳麟。此日太平真有象。五橋流水散餘春。

瞿鴻 字宜漸撮與人景陵主簿

秋懷

敝裘羸馬長安客。愁積雙眉苦不開。烏帽逢秋欺短髮。青山何日對深盃。風塵滿地令人老。烟雨彌空阻雁來。昨夜夢歸東海上。白雲池草共徘徊。

陸良臣 字思貞號海莊松門人含山知縣林文貞為銘其墓

郊行

斷磧吹陰雪。荒籬傍夕陽。迢迢路傍子。撼撼髻邊霜。山杖陰垂穎。江蓮故折房。琴書束高閣。時復卜行藏。

獨坐

崇蘭花泛泛野色入秋高巾駕驟雙鶴針芒膾六
鰲淒涼王粲傳盤錯太公刀默坐占冥運水絃強
自操

吳中孚 字子真號玉泉消村人長於易學陳南郭郭東城皆其門人

千松堂會陳朝左諸生賦此

千松蒼鬱一堂深石嶺風烟歲已侵籬外茶花欺
雪色簷前梅蕊發天心青衿笑語懽何極野客過
逢喜欲吟遙憶山窗當日事蹉跎皤髮思難禁

鄭守倫 字欽序澤庫人

登樓

危樓百尺一凭闌情景淒涼四顧間書帶愁含秋
露冷芸臺影歛夕陽殘畫梁燕去前朝事荒塚烏
啼今夜山惟有仙翁遺跡在衰顏那問九還丹

葉崇心 字恒廉號強學拙訥後由溫嶺徙大遠橋

風竹

只少清風四五竿渭川千畝不須寬雲根埽盡紅
塵跡白日蕭蕭下翠鸞

郭承樂 字恒道號繼東峽門人閒雲從孫

贈劍崖張叅戎

圯橋傳却舊兵書妙算還同輔漢初戎馬幾春踈

伏櫪腥膻千里避高車。卽勞面聖登麟閣。豈再求賢過草廬。去後更思明月夜。謳歌不獨遍門閭。

毛宣

字欽之號羅洲晉山人平陽教諭有白水亭稿

交河夜月

交河斜抱獨河渾。百里寒流自作村。風落古城遙送笛。船依新月半開門。浮雲不解嫦娥恨。銀漢長銷織女魂。紫闕萬花牽夢寐。倚篷無語自黃昏。

冬日至砥柱磯

君山雲萬重。洞庭雪千尺。獨立不知寒。崔巍一卷石。

王

湍

號碧山夾嶼人任德州知事棄官學道臨海蔡霞山有題碧山晚隱卷詩云滿眼風波苦海深碧山深處稱幽尋憑誰作伴消長日濁酒三盃一曲琴可想見高致矣

入山咏三首

湖海功名白了頭。番然一笑便登舟。輕輕踏上高峯頂。坐看茫茫大水流。踏破重重山外山。白雲深處異人間。清風到底還依舊。明月隨人自在還。碧山未必是吾家。我有家鄉路不賒。信地一門惟自在。春風無處不生花。

章鉞 字鎖之號筠洲泉溪人

閒居

清溪繞郭野人家。坐對孤城轉日斜。江海一樽酬
令節。乾坤雙鬢自年華。攀翻且賦山中桂。窈窕從
歌陌上花。莫道市朝非隱所。雲深竹裏有烟霞。

陳應詔 字思忠號紫山

郊行

背城六七里。茅屋幾人家。楊柳新搖綠。棠梨半著
花。野橋春水滿。歸路晚風斜。斷續遙相接。天邊看
綺霞。

何希鼎

字尚寶雙槐之後有守齋稿

夜坐

獨坐黃昏雨。青燈幾卷書。更殘人寂寂。月上碧梧
初。

梅花菴書感

梅花高咏美當年。今日花開似舊妍。風物蒼蒼人
事改。溪橋流水自依然。

金應祥

字尚裕號視吾水洋人
友圃子著視履亭稿

燕歌行

井梧露滴驚素秋。蜻蛉遶闌聲悠悠。西風吹妾燕

子樓樓上徒倚凝長眸。滄江逐隊盡輕鷗。叢林呼
雨多。鶉鳩遊子他鄉胡滯留。欲效比翼阻且脩。撫
絃謾自奏箜篌。嗟昔天際空歸舟。此恨綿綿何時
休。望舒初駕簾控鈎。獨立顧影增煩憂。斟酌嫦娥
寡衾裯。玉顏凋落將誰尤。

銅雀妓

凝粧上高臺。珠翠空自銜。風動總帳開。疑對君王
面。愁深比漳水。恩去若飛電。歌舞向西陵。贏得白
楊見。

毛容民

字受之號玉岡慨源子由選
秀任太平府訓導有潛志稿

送陳宗義錫官榮歸

絃管春風醉。冠纓樂意多。台霞牽旅夢。越棹泛晴
湖。笑集花間燕。愁消月下歌。白雲芳草裏。依舊想
鳴珂。

徐宗時

字克濟號觀海望
軒孫林白峯有傳

石屏曉步

童子三春開竹房。石屏山色曉蒼蒼。雲收十里鷗
羣出。花落千門燕子忙。看水行過蒼竹徑。吟風吹
動綠荷裳。悠然自得風雩意。竚立猶疑見魯狂。

陳綱

字子實號芝山未
齋從子居著畧

九日同陳子冲金子光登西城水樓兼東曉
山溪南開講

野客孤城逢九日。迥臨官閣共看雲。天連斷嶂千
重合。雨送飛泉百道分。黃菊故園空自好。白鷗南
浦若為羣。更誰鼓曲河汾上。十二樓中散夕曛。

送林白峯會試

越客辭鄉赴禮闈。關河十月錦帆飛。行逢臈日梅
初放。春入皇都柳正輝。禁裏踈鐘催曉騎。花間紫
氣護朝衣。知君早有匡時策。莫向南山間蕨薇。

蔣宗周

號嵩山瓦崗人。選拔

渡揚子

揚子江邊宿霧收。飄然五兩出中流。山欹粉堞連
吳會。潮吐江豚下石頭。千里故人空尺素。十年身
世一虛舟。天涯遊子風波裏。雙汨看雲洒敝裘。

莫一敬

字大脩。號筠屋。南塘人。

雲鶴峯登眺

雲中杖屨陟嵯峨。碧海青天日易過。鶴控雨花飄
玉宇。龍翻雪瀑瀉銀河。迢迢紫氣東來近。漠漠紅
塵北去多。極目謾傷今古事。且從文社一高歌。

陳大有

字德讓。號雷洞屏。下人。為諸生。有聲棄
去。隱南屏山。以耕釣為樂。遺集李紘序。

口占

老去違時事。嬾聞睡高長。午始開門。消愁有店頻。
賒酒遣興無詩。只引孫種竹。插雲遮白屋。放牛耕
雨近青村。漫云栗里無消息。黃菊東籬已著根。

秋夜對月忽憶海峯翁邀酌鄉約堂

颯颯秋聲入夜長。中天飛露薄衣裳。可憐涼月懸
孤照。那復清樽開錦堂。聚散浦雲愁老眼。寂寥鄰
笛斷剛腸。相傳尺素冥江雁。徒倚荒臯落葉黃。

瞿旦號雁陽叢巖人

山中

少年負竒好山水。日遊盤中歲苦役役。素心分百
端。抱一愧無守。返始失常權。園林春草綠。賞廢起
長嘆。辛苦茹荼蓼。芳潔怨薰蘭。劫來戲紫氛。撫化
期風翰。籠禽入叢薄。展席臨長湍。性情苟有適。宵
豆坐忘殮。甘著管寧帽。羞彈貢禹冠。遐尋從此去。
元鍊巢層巒。

五龍山書院為徐荆門賦

雲開遠見集仙臺。借此傳經亦壯哉。詞賦久淹司
馬遇。草元終讓子雲才。城隅綠草生書帶。座上青
山入酒盃。隱隱花宮鐘鼓寂。步虛壇上獨徘徊。

